



DEO OPTIMO MAXIMO  
UNI ET TRINO,

VIRGINI DEI-PARÆ, ET S. LUCÆ  
Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS  
*manè discutienda in Scholis Medicorum, die Martis vigesimo-sexto  
mensis Aprilis, Anno Domini M. DCC. LVII.*

M. RAYMUNDO DE LA RIVIERE,  
Doctore Medico, Præfide.

*An in annonæ caritate in farinosis diversè modè preparatis præsidium.*

I.



ORPUS humanum solidis fluidis que conflatum partibus è  
suâ substantiâ continuo deperdit. Fluida solidis agitata eva-  
porantur, solida fluidis eroduntur, brevi rueret tota machina,  
nisi quantum continuâ deperditione amittimus, tantum repa-  
raretur ex alimentis. Tellus dum vere floribus vestitur suis,  
messibus æstate tegitur, autumnò poma maturefcere facit,  
homini non defuturam alimentorum copiam promittit, quin imò non

A

homini soli victum præbere amat, sed & alimenta suppeditat omni animantium generi, homini deinceps profuturo. Homo namque non ex solis vegetabilibus vivere consuevit, seu sic à naturâ fuerit institutum sive aliter ingluviens suaserit. quidquid ita sit telluris gremium dixeris thesaurum orbis sumptuarium; illius thesauri divitiæ dum existant, iis homo si utatur; omnia bene se habebunt; verum ecce; heu sæpius! invita tellure, quæ quot annis aratrum patitur, pluvias combibit & fructus procreare gestit, tantis adeo quæ necessariis beneficiis, aëre vitiato, defraudamur. Messis languescunt, moriuntur herbæ, nullis aut noxiis pabulis animalia faturantur. Jam homo sibi pertimescat necesse est. Quid faciat? Vegetabilia non sufficiunt; ad armenta confugit; ipsa aut defunt, aut noxiis pasta, alimentum suppeditant noxium interea videas famem per Provincias grassari, atque sibi comitem, se fortasse ideo minus tristem quod tantorum malorum finem importet, pestem adjungere. Tantis obstupescit calamitatibus, omnia ne crederitis complorata. Natura deficiente ad artem confugere est. Cum jam sævire inciperit fames supersunt farinæ, supersunt gramina, verum non adeo copiosa, ut si ex iis solitos panes conficias, sufficiant, aliter præpara jamque satis erunt.

## II.

**A**RS medendi Divino spiritu mortalibus afflata ut quidquid peccaret natura corrigeretur, communi hominum beneficio nata, omnibus sudat, omnibus invigilat, atque allaborat. Non in vano præparationum apparatus conquisivit, verum quantis profuerit cumque minori illorum labore atque impensâ meminisse amat. Si alimenta quæ famis tempore supersunt ita præparaverimus ut major quantitas succi nutritii ex illis eliciatur, conditionibus requisitis fecerimus satis, sufficient alimenta cum de his sobrius utendum sit, omnibus erunt obvia si quidem minus rara erunt, ex eo quod minus de his assumatur; noxii nihil habebunt, cum nihil aliud effectum fuerit quam succi nutritii majorem quantitatem ex his elicere, quàm imitari digestionem, nec succos à naturâ ad nutritionem destinatos mutare sed de carceribus suis educere. Alimenta verò quæ supersunt exploremus, & quænam sint ex quibus præparationum ope nutritivarum molecularum major quantitas detrahi possit, determinemus. Ex tribus regnis duo nutrimentum præbent, tertium alimenterum condimentum suppeditat. Si carnes assumimus ita atteruntur masticatione, salivâ penetrantur, poribus diluuntur, conquantur motu ventriculi, calore foveantur succo gastrico ita imbuuntur atque diluuntur, ut à fibrosis crassis ve partibus, secernantur nutritiæ moleculæ. Naturæ ars æmula, ipsam aliquatenus imitatur dum de carnibus ope calidi liquoris juscula extrahit; unde jusculem quantas quoad molem minima, potest homini alimentum suppeditare; ex iis concludi potest quod juscula non malè requisitas supra-conditiones adimplerent, verum hucusque non nisi magno apparatu, magnâque impensâ de carnibus juscula extrahere ars novit. Feliciori cum successu vegetabilia tentata sunt. Ex his plurima ad nutriendum idonea quorum variae partes, modo caules nunc folia, nunc fructus depascimur. Verum inter adeo utilium vegetantium partes præstantior nulla quam semen. Inter animalia quæ solis vegetabilibus nutriuntur, multa, semina simul aliasque partes depascuntur, instinctu verò appetituque naturali versus semina propelluntur, natura brutis ratione destitutis cum negaverit ad eligendum necessariam rationem, rationis loco concessit instinctum. Rursus verò illa animalia nonne tunc ala-

ciora, subeundis laboribus aptiora, cum seminibus vescuntur. Sed quid multa ! seminum præstantia evincitur ex usu illius nostri panis. (1) Quis cibis pane latius patet. Inter varias gentes quæ terras incolunt, multæ facie, colore, corporis habitu, moribus, omnes à se invicem discrepant, nulla aut fere nulla farinas suas non subigunt. jam patet quanta sit farinarum utilitas, supert est ut cum rariores fuerint ita præparentur ut earum indigentia præparatione compensetur.

## III.

**V**ARIAS methodos farinarum præparandarum hucusque quidam edocuerunt. In una quaque methodo tenui dispendio, copiâque levissimâ vixere bene multi; nec tempore hujus victus nec postea male se habuerunt. Quinimo à laboribus non cessarunt. (2) Inter varias illas methodos notabiles illæ quibus è famis faucibus erepta servata que est nobis Aquitania. Prima methodus pulmentum delphinense vocatur; alia orizæ præparandæ rationem, sive jura carniû, sive lac miscendo edocet. (3) Eadem experimenta nuper tentata in invalidorum regia domo prospere successerunt; quænam sit recens illa methodus publicè notum quidem non est. Illud verò constat quod sex unciz farinosi cujusdam pulveris certo modo præparati sufficiant ad nutriendos homines à laboribus quales solent exercere milites, non abstinentes.

## IV.

**J**AM memoravimus omnes fere gentes paucis exceptis farinas subigere. Quæ verò ex solis animalium sive quadrupedum sive avium, sive piscium carnibus victitant, innumeris vexati morbis vix mediam partem ævi quod vivunt ceteri homines, adæquant. (4) Insulæ cui *Camaran* nomen incolæ hordeum quoddam album inter duos lapides tritum in pultem redigunt. Mays quot gentibus victum suppeditat? Orientales fere omnes populi ex illius farinâ vescuntur; oriza alimentum est Ægyptiorum, Perfarum, Maurorum multorumque aliorum. Moscovitæ cum ad bella peregrinantur secum quisque miles victum qui sufficiet portat. Victusque ille nihil aliud quam farinosus pulvis. Quot quot peregrinatores de variâ vivendi gentium ratione scripserunt, tot varias parandarum farinarum rationes retulerunt. Illæ verò variæ præparationum rationes in eo constant ut triturentur farinæ & in aqua diluantur. Jam constat perenni universalique experientia gentes ab ævo præparatas farinas pro cibo habere. Farinarum proprietates attendenti; unde nam pendeant adeo utiles earum proprietates, facile patebit. Nutritivæ plantarum partes ab aliis partibus juxta leges artis separatæ, efformant illud quod chemistæ, *corpus mucosum* vocare. Illud corpus quod in seminibus maxime abundare docuit experientia, seorsim exploremus, inodorum, fere insipidum, conflatum ex acido, oleo, aquâ terrâ que copiosâ sed ita inter se mixtis ut nullum proemineat. Non ne jam illud corpus primo etiam aspectu nostræ substantiæ maxime congruum judicaretur; nonne multum similo extracto huic à ventriculo ex alimentis educto sub chili nomine: utrumque inodorum, insipidum, ex oleo, aqua, terrâque conflatum, utrumque ex principiis coagmentatum ita mixtis ut nullum prædominium teneat. Quænam igitur materia ad nutriendum magis idonea, quam ea quæ huic materiæ simillima est, seu potius ipsa illa quam ex alimentis elicit natura, alunde verò in suprâ recensitis præparationibus huc vergit omnis scopus ut farinæ subactæ, tritæ, fluido quodam aut lymphatico, aut lymphâ abundante diluantur, separentur ipsarum partes quod non aliud est quàm in-

(1) Vid. Hoffm. Lib. 11. Cap. 1V. de Salubr. & in Salubr. effulent, art. XI.

(2) Traité des alimens, de M. Lemery, 3e édit. par M. Bruyer, tom. 1er p. 545.  
(3) M. Bruyer, tom. 1er p. 543.

(4) Histoire générale des voyages, par M. A. F. Prevost, tom. 1er p. 146.

choare digestionem, chilumque ut ita dicam arte præparare. Famis verò seu alimentorum assumendorum necessitas statim definit ubi copiam assumimus nutritivarum molecularum, deperditarum molecularum numero haud imparem. Unde importat alimenta non quot, sed qualia, non quanta, sed quomodo præparata assumere. Quid multa ! ritè præparatæ farinæ nutrimentum efformant chili æmulum, aliunde eadem ferè methodo præparatum. Alimenta in ore trituntur, lymphâ è salivalibus glandulis stillante imbuuntur, in loco calido, ventriculo nempe, liquoribus lymphaticis penetrantur. Quid absolum in nostris præparationibus.

## V.

**O**BJICIET aliquis farinarum usum sanitati noxium compertum sapius fuisse. Ac primo quidem dum pulte ex farina & lacte nutriuntur infantes, variis morbis cruciantur; ex intestinis laborant, in ipsorum ventriculo vermes nascuntur. Quid verò commune est inter farinam fermentatione non prius præparatam, qualis est ea quæ infantibus præbetur, & illam de quâ nunc agimus. Deinde quod vermes nascuntur, arbitratu est inter recentiores viri de physicâ optime \* meritis illud ab eo repetendum esse quod nutritivarum molecularum illa alimenta majori quantitate abundant quam requiritur ad tenelli corporis nutritionem. Adulti verò dum farinosis utuntur ipsis gravitat ventriculus, molesta eructandi necessitate torquentur. At verò idioma cunctis notissimum, optima quæque, si luxurient peccare. Quoad gravitatem verò repetenda ex eo quod farinosa aquâ facile turgescant, præparata verò quemadmodum monuimus nequeunt turgescere, cum intumescencia nascatur ex aquæ moleculis inter solidas partes interpositis, in nostris verò præparationibus solidæ partes diluuntur, nequeunt turgescere cum cedant adioni lymphæ; quoad ructus, nascuntur ex aëre ob loci calorem sese expandente ex moleculis quas inter detinebatur, at in fermentatione aer dum fermentescebat sese expandebat. Verum subjunges quod qui farinis utuntur brevi crassâ corporis mole & pinguedine turgescunt. Undenam nisi ex eo quod farinæ multum nutrimenti contineant.

a M. de Buf-  
fou, t. 2. p. 470.

*Ergò in annona caritate in farinosis diversimodè præparatis præsidium.*

Proponebat Parisiis NATALIS - NICOLAUS MALLET, Carnutæ;  
Doctor Medicus Remensis, necnon Saluberrimæ Facultatis Medicinæ  
Parisiensis Baccalaureus, Thecos Author, A. R. S. H. 1757,

A S E X T A M E R I D I E M.